



- EDITORIAL • RÂL VÊNGTU • CHHÛNGKAW CHANCHIN
- » PCI, Mizoram Synod sum hmuh 2017-2018
- » Rampum huap ƣawngƣai rual
- » Kohhran inpumkhatna leh thawh hona Seminar

RNI 68092/83 Regn. No. N.E. 1024
 From
 Synod Literature & Publication Board
 Synod Office, Aizawl - 796 001
 Mizoram. Phone: 0389-2324590

SYNOD *Newsletter*

Volume XXXIII

No. 416

E-mail: synodnews@gmail.com

APRIL, 2018

LÂWRKHAWM

SYNOD BU 2017 LAM THEIH

Synod Bu 2017 chu peih fel a ni leh ta a. Mahni Kohhran ta tûr Synod Office Mamawh lamna aƣang a lâk theih e.

SRCC CAMPING

Synod Revival Committee ruahmanna zuin April 10-14, 2018 chhûng khân Synod Revival Camping Centre, Neihbâwihah Gospel/Revival Camping buatsaih leh a ni a, campers 170 an lût. Speaker hi Tv Henry Lalhmingshanga, Knight for Christ Team a ni a, camp mawhphurtute hi Ramthar Vêng Pastor Bial an ni.

OPERATION NEHEMIA

Good Friday leh Easter Sunday vuakvétah Synod Revival rawngbâwna chi khat Operation Nehemia chu Aizâwl khawpui chhûng leh Aizâwl dâi vêlah kalpui a ni a, Revival Speaker 30 vêl he rawngbâwnaah hian hman an ni.

KRISTIAN CHHÛNGKAW SEMINAR & CAMPAIGN

April 6-8, 2018 khân Sêrchhêp Vêngchung Bialah Kristian Chhûngkaw Seminar leh Campaign buatsaih a ni a, FG&CC Director Rev. Lalsângbera hovin FG&CC Committee members - Rev. K. Lalramawia, Rev. Dr. H. Vânlalruata leh Pi B. Bualchhûmi te an kal.

PCI GEN. ASSEMBLY VAWI 43-NA

Presbyterian Church of India Biennial General Assembly Vawi 43-na chu May 2-6, 2018 chhûng khian Biateram Synod-in Fiangpui, Haflong-ah an thlong dâwn a. Moderator tûr chu Rev. Lalramliana Pachau, Mizoram Synod a ni. PCI Gen. Assembly-ah hian Synod Puipate, PCI Committee member-te, Minister leh Pro Pastor zawng zawngte bâkah Presbytery tin aƣangin palai thlan panga ƣeuh an kal thei.

INDIA RAM KHAWPUI HRANG HRANGA KOHHRAN DIN CHHAN

Aizâwl Chhimthlang Presbytery aƣanga SEC-a thu lût - 'India ram khawpui hrang hranga Presbyterian Kohhran din a nih chhan Kohhran mite hrilhƣiah rawtna' chu SEC-in thil ƣûl nia hriain, OM bawh zui tûrin a dah a, OM-in Kohhran tina chhiar tûrin he thu hi a chhuah a ni.

- Editorial Staff

I. Tuhma

Kum 2011 hma lam kha chuan India Hmârchhak pâwn lamah Mizoram Presbyterian Kohhran din a ni ngai lo va. Din a nih tâkah hian a chhan hriat loh avângin keimahni zîng aƣang ngei pawhin ƣûl ti lo leh ƣa lo zâwka ngâi awm theih a ni a. Chuvângin Synod Executive Committee chuan India ram khawpui Presbyterian Kohhran din chungchâng hi sawi chian ƣûlin a hria a. Hetiang hian Kohhranhote hriat tlan tûrin kan han chhuah ta a ni:

Mizoram pâwna Mizo Kristiante: India Independence (1947) hma lam aƣang khân sipai-ah te, Police-ah te, hna hrang hrang thawk leh lehkha zir tein India ram hmun hrang hrangah Mizote an lo awm tawh a. Independence hnu leh Mizoram buai 1966 aƣang phei chuan Mizo tam tham tak, a bîkin Assam ramah an awm a ni. A huho deuhva an awmnaah chuan Pathian biak inkhâwmna te an buatsaih ƣhîn. Chutianga inkhâwm ƣhîn Assam rama mite chu inzawm khâwmin 'Assam Phaitual Mizo Kristian' hming an invuah a (a hnuah 'Zoram Pâwn Mizo Kristian - ZPMK' tih a ni).

India ram hmun danga Mizo awmte pawhin a remchân leh theih ang ang inkhâwmin 'Mizo Christian Fellowship' te an ƣin a, khawpui lian pathuma an ƣin ƣan chu hetiang a ni: Calcutta Mizo Christian Service (CMCS) kum 1956-ah, Delhi Mizo Inkhâwm (DMI) kum 1967-ah, Bangalore Mizo Christian Fellowship (BMCF) kum 1975-ah. A hnuah Mumbai, Chennai leh khawpui dangahte pawh ƣin a ni. Hêng hmunahte hian a tam ber chu Presbyterian ni mah se, Kohhran tih ƣan zui bîk an nei lo va, Pathianniah vawi khat an inkhâwm tlangpui ƣhîn.

II. India ram hmun hrang hranga Mizo awmte zîng rawngbâwl tûra Mizoram Synod hma lâk tawh dânte

Mizoram Presbyterian Kohhran Synod chuan Zoram pâwna Mizo awmten Pathian biak hona inkhâwm an nei ƣhîn chu a hria a, ƣa a ti a, a ƣûl anga anmahni pui tûr pawhin a inhuam reng ƣhîn. Kum 1942 aƣang khân Assam Regiment-a Mizote tân Pastor a pe a. Assam Phaitual Mizo Kristian (a hnuah ZPMK)-in a ngenna chhângin kum 1937

aƣangin anmahni kan tûrin Pastor leh Upate a tîr ƣhîn a, kum 1962 aƣangin anmahni enkawl tûrin Pastor a pe ta a. Kum 1997 Synod chuan ZPMK chu Presbytery-ah a siam a, 'Zoram Pâwn Presbytery' (ZPP) tih a ni ta a ni.

Synod Executive Committee (SEC) chuan kum 1983 khân Mizo Kristian, kan Kohhran mi, ZPMK pâwna awmte enkawl theih ƣan a awm em, tih a ngaihtuah a; Sakramen te, Dâ chhûnga seng luh te, Inneihna leh Thununna chungchângah te a ƣûl anga tlawhtu tîr ƣhîn a rêl ngâh a (*SEC 83:37, May 4-6, 1983; 85:5, Nov. 2-4, 1983*). A kum leh 1984-ah Delhi-a awm mêt Rev. Dr. R.K. Nghâklianah Delhi-a Mizote enkawl ƣan tûr a awm em tia Synod hotute a zawhna chu chhângin, Synod Executive Committee chuan 'Sakramen leh lawm luh leh thunun te ti tûrin' Delhi-a miten Rev. Dr. R.K. Nghâklianah an lo hman chu a phalsak a ni (*SEC 89:22, dt. 9-11 May 1984*). Rev. Dr. R.K. Nghâklianah chu a thih tâk avângin ZPMK pâwna Mizo Kristian inkhâwma serh leh sâng khawih tûrin 1987 khân SEC chuan ruahmanna thar a siam a: Vellore leh Madras-ah Rev. H. Zalâwma, CMC Vellore Chaplain; Bombay leh Bangalore-ah Rev. H. Remthanga, UTC-a M.Th zirlai; Delhi leh Calcutta-ah chuan Minister kal remchângte hman ƣhîn tûra tih a ni (*SEC 90:19, Aug. 1 & 2, 1984; 104:31, Feb. 11-13, 1987; 105:3(9), June 17-20, 1987*). Chutianga ruahmanna chu Delhi leh Kolkata-ah chuan kan Kohhran Mission Field Secretary-ten an keng zui a. Chumi kal zêlah chuan kum 2002-ah khân ZPMK pâwn lama kan Kohhran mite, Missionary fate leh sawrkâr hnathawk fate tân Dâ chhûnga lawm luh, thunun lâk luh leh Sakramen rawngbâwlsak theih ƣan SEC-in a siam leh ta a ni (*SEC 131:53, Nov. 2-4, Phek 2-naah chhunzawm...*

SYNOD Newsletter

EDITORIAL STAFF

Rev. Dr. C. Chawngmingliana
Rev. PC Pachhûnga
Upa H. Ronghâka
Rev. R. Laldinthara

Editorial

THILPÊK RAWNGBÂWLNA LAM THU

Tangka Kum (April–March) a tâwp hian sawrkâr, kohhran leh pâwl tinin sum hmuh leh hmanna te an en fel thîn a, kum liam ta chiaha Mizoram Synod sum hmuh dân han enin thilpêk rawngbâwlina lamah hmasâwnna duhawm tak hmuh tûr a awm a, a lâwmawm hle.

Mizorama Presbyterian Kohhran hi khawvêl hmun danga Presbyterian Kohhran tam ber kal dân ang lovin Synod-a inkhai khâwmin a kal a, hei hi lang thei lamah chuan he kohhran chakna bulpui pakhat tih loh rual a ni lo. PCI hnuai Synod thenkhat hi chu a hming chuan Synod-ah an inthlung khâwm ve a, Presbytery tin-in office hran neiin Pathian ram thilpêk pawh a tam ber chu Presbytery-ah a lût a, Presbytery-in a huam chhûnga hun pum rawngbâwltu hlawh, etc. an pe a. Synod huapin thil lian tham tak an ti thei lo va, Presbytery mal pawhin an ti hlei thei bawh hek lo. Mizoram Synod erawh chu Synod-a kan inthlung khâwm bâkah kohhran inrêlbâwlina lam chi rêng rêng Synod-in a khawih deuh vek a, inkaihruaina dân fel tak nêl thil engkim kalpui a ni bawh a, missionary sâng têt a tîrh chhuah theih chhan te, rawngbâwlina kawng dang dangah pawh thil lian tham tak tak a tih theih chhan te hi Pathian malsâwmna a ni a, lang thei lamah erawh chuan Synod-a inthlung khâwmnaa kohhranhote thawh hona thât vâng a ni.

Synod-a kan thawh hona dah pawimawh hi kohhran kal zêl atân leh ram pum tân thil tûl tak a ni a. Tangka Kum thar aţang hian kohhran chhûngkaw tinin Pathian Ram thilpêk pêk dân inkaihruaina siam – ‘5:3:2’ hi zui dik deuh deuh ni se a lâwmawm hle ang.

Phêk 1-na zawm...

1992; OM 9 of 23.11.1992; SEC 132:5, Dec. 4, 1992; 182: 63; 183: 11; 185:15, Feb.6-8, 2002, App. I).

Kum 2007 Synod chuan India ram khawpui hrang hranga Mizo Christian Fellowship-te enkawl tûra Pastor dah thu a ngaihtuah a (Synod 2007 Gen. 20). Chu chu bawhzuiin SEC chuan zir Chiang tûrin mi pathum a tîr a. A mi tîrhte report aţangin Mizo Christian Fellowship-ten Presbyterian Kohhran anga inkaihruai lova Kohhran pâwl hrang hrang lenga inkhâwmna neih zui an duhna chu ngai pawimawhin, SEC chuan enkawl dân tûr a siam a ni (Synod 2007 Gen. 20; 2008 Gen. 95; SEC 223:12, June 2-4 June, 2009, APP. I).


III. Presbyterian Kohhran din a ni ta

Chutianga thil a kal mêk lai chuan Bangalore Mizo Christian Fellowship (BMCF) chhûngkuua harsatna eng eng emaw avângin Presbyterian mite chuan Kohhrana indin mai tûlin an hria a, September 12, 2011-ah Bangalore Mizo Kohhran (Presbyterian Church of India) an din ta a. Chumi kum Mizoram Synod Inkhâwmpui chuan anmahni enkawl tûrin Pastor a pe a; Bangalore Mizo Kohhran kalphung tûr pawh a siam zui ta a ni (SEC 245:31, June 4-6, 2013, App. 6). India ram khawpui hrang hranga Pastor dah thu (2008 Synod rêl) kha bawh zuiin 2012-ah Bangalore-ah te, 2014-ah Mumbai-ah te, 2015-ah Kolkata, Delhi leh Hyderabad-ah te Pastor dah a ni ta a, chûng khawpuiate chuan Presbyterian Kohhran pawh din zui a ni ta a ni.


India ram khawpui hrang hrangah Mizo hnathawk leh zirlai an pung chak hle a, a za têt mai pawh ni lo, a sâng telin an lo awm ta a. Ni tin hnaa tûl tak leh thil danga inhmang hman lo zirlaite an ni ber a, sakhaw lama enkawltu bik pawh an nei lo. An zînga tam tak chu Mizoram pâwna awm rei tawh, Mizo Fellowship inkhâwm bâk Kohhran inkhâwmnaa tel ngai lo an ni. Mizo Christian Fellowship-ah te chuan Pathianiah wawî khat an inkhâwm tlangpui a, a bâkah chuan sakhaw lama inkaihruaina

tak tak neih a harsa a, Kohhran awmzia leh kalhmang hre mumal lo pawh awm theih tak a ni ang. Zirlaite, hnathawka awmte leh an fate chu kan ram leh Kohhran hruaitu la ni thei tûrte an ni a, an zir thiamna bâkah thlarau lam leh Pathian thuah leh Kohhran kalhmangah te mumal leh tha taka inkaihruai hun a ni a. Chutianga chu a hun takah an dawn loh chuan ram leh hnam tân leh Kohhran tân an tângkai tûr ang phâk lovin an awm thei a ni.

Mizote hi huho deuhva kan awmnaah chuan hnam dang pawh vak lova awm khâwm thîn kan ni a. Tawng danga Pathian biak inkhâwmnaah pawh kan tel tam lo, tel pawh ni ila, tawng leh kalhmang a inan loh êm avângin mahni tawng leh Kohhrana Pathian biak tluk chu a awm thei lo. India ram khawpui Mizo tam ber, zaa 70 vêt chu Presbyterian mi an ni a, Mizo Christian Fellowship-ah an tel a, a hnârkaitu pawh an ni thîn. Mizo Christian Fellowship rawngbâwlina bâkah, taksa leh thlarau lamah thûk zâwka inkaihruai theih dân a awm ang em, tih hi Mizoram Presbyterian Kohhran chuan a lo ngaihtuah fo tawh a; India Hmârchhakah pheî chuan hmâ a lo la thui hle tawh a ni. India rama Kohhran lian tak tak India Chhim Kohhran te, Mar Thoma Kohhran te, Orthodox Kohhran te chuan State dang leh ram danga an mi awmte enkawl tûrin Kohhran a din a, enkawl tûrin Pastor leh Bishop te an dah thîn. Mizoram Presbyterian Kohhran pawhin a mite a sâng têt Mizoram pâwn, India ram khawpui hrang hranga awmte enkawl tûrin Pastor dah leh Kohhran din te hi tûl a ti a. Kohhran din a nih loh chuan Kohhran serh leh sâng - Sakramen te, Dân chhunga seng luh te, inneihna leh thunun leh lak luh te Kohhran kalhmang ang takin kalpui theih a ni lo. India ram khawpui hrang hranga Mizo Christian Fellowship-te leh an rawngbâwlina te chu kal zêl se tha a ti a. An zînga Presbyterian mite chu ram leh hnam, Pathian leh Kohhran tân mi rinawm leh hman tlâk an nih theih nân a remchân ang zêla enkawl leh kaihrui tûrin Mizoram Presbyterian Kohhran Synod chuan hmâ a la ta a ni.



(UPA R. DENGZIKPUA)
Secretary



(REV. F. LALRINUNGA)
Moderator

Mizoram Presbyterian Kohhran Synod

KOHHRAN INPUMKATNA LEH THAWH HONA SEMINAR

Kum 2015 Synod Inkhâwmpui thu ‘Mizoram Kohhrante inpumkhatna kawng zawn chungchâng,’ SEC-in a bawh zuina kal zêlah Aizâwl District huam chhûnga kohhrante tân hetiang hian Seminar hman dân tûr ruahman a ni:

1. A hun : July 6, 2018 (Zirtâwpni) 10:00 a.m.
2. A hmun : Zone I tân - Mission Vêng Kohhran Hall
Zone II tân - Dâwrpui Kohhran Hall
Zone III tân - Bâwngkâwn Kohhran Hall
3. Kohhran aiawh pahnih, Bialtu Pastor, Pro Pastor leh Minister-te tel tûra beisei an ni.
4. Aizâwl khaw pâwn aţanga kalte chu TA/DA pêk an ni ang a, Aizâwl khawpui chhûnga mite chu DA pêk an ni ang.

Râl Vêngtu

Râl Vêngtu chu, “Thei in lei dâwnin fimkhu hle rawh u. Theihai hmin zawng zawng an thlum vek kher lo. Sêrthum hmin zawng zawng an thlum vek kher bawh hek lo. Thingfanghma hmin itawm nazawng an thlum vek kher lo bawh,” tiin a au piap piap a.

Mite chuan, “Râl Vêngtu, eng i tihna nge ni ta ngai? I thil sawi chu i sawi kher loh pawhin a dik tih kan hre vek tho alâwm,” an ti a. Râl Vêngtu chuan, “A ni dawn rêng asin! Thil rêng rêng hi an pâwn lam lan dân ang an ni vek kher hleinêm. Mi rêng rêng hi an pâwn lam lan dânah ringawt teh tûr a ni lo. Mi ngawichawi zawng zawngin sawi tûr an hre lo a ni bik lo. Mi kamtam nazawngin thil an hre tam kher lo. Thu sawi thiam nazawngin mi an hneh kher bawh hek lo. Thu sawi huai nazawng Pathian Thlarau hrui an ni vek kher lo. Lâm mi zawng zawng lah thlarau mi an ni vek bawh hek lo,” a ti a.

Mite chuan, “Aw! Râl Vêngtu, a va ngaihnawm leh lawi si ve, han sawi zêl teh,” an ti a. Râl Vêngtu chuan, “In mawi leh tha a chêng nazawng an hlim vek kher lo. Mutbu nei nuam nazawng an mutui kher lo. Buhfai tha ei leh chawmeh nei tui nazawng an chaw ei a tui vek kher lo. Mobile phone man to nei nazawng an hlawh tam kher lo, hlawh tam zawng zawngin mobile phone man to an nei vek bawh hek lo. Hriatna tûra beng nei chuan hre rawh se. Heng zawng zawng chinfelna chu Lal Isua a ni,” a ti a.

AIZAWL THEOLOGICAL COLLEGE

(Faculty Development atâna zir tûr zawngna)

Aizawl Theological College Education Board chuan ATC Faculty Development atân a hnuai Department târ lanahthe hian kum 2019 atân M.Th leh D.Th zir duhte tân dîlna a hawng a. Synod mi rawih laite zingah dîl duhte chuan ni 24.4.2018 (Tuesday) aia tlâi lovah **Principal, ATC hnênah** dîlna theh luh tûr a ni.

M.Th.

1. New Testament
2. Religions
3. Christian Ministry (Counselling)
4. Communication

D.Th.

1. Christian Theology
2. Religions
3. Christian Ministry (Christian Edn.)

SYNOD HOSPITAL, DURTLÂNG FEBRUARY, 2018 CHHÛNGA THILPÊK DAWNTE

I. CHARITY FUND

1. Upa T. Vânlâwma leh Pi Lalnuntuangi, Hunthar Vêng, Aizâwl	Rs 1,500/-
2. UPC(NEI), Middle School Vêng, Zêrabâwk	Rs 2,000/-
3. Upa Dr. Rothangliana, Kulikâwn	Rs 10,000/-
4. Pu Lalramena Râltê, Durtlâng Dâwrkâwn	Rs 1,000/-
5. J.L Pharmaco, Bâwngkâwn	Rs 4,000/-
6. Pu Lalsânglûra, Durtlâng Dâwrkâwn	Rs 1,000/-
7. Synod Ramthar Hostel, 2017-'18 Batch, Mission Vêngthlang	Rs 10,000/-
8. Rebecca L. Râltê, Ramhlun, Aizâwl	Rs 1,000/-
9. Pu.C.Vânlahriata & a chhûngte, Bethlehem Vêngthlang	Rs 10,000/-
10. Keitum Bial Kohhran Hmeichhia	Rs 5,000/-
11. Lungdai Presbyterian Kohhran	Rs 1,000/-
12. Thanluangi, Zârkawt	Rs 1,000/-
13. Zodinsânga, Zârkawt	Rs 3,500/-
14. Central Kohhran Hmeichhia, Synod Office	Rs 4,48,178/-
15. Ngopa Chhimvêng Kohhran	Rs 3,000/-
16. Zamuang Bial	Rs 5,000/-
17. Central KTP, Synod Office	Rs 68,327/-
18. Saitual Vênglai Kohhran	Rs 4,000/-
19. Pu T.Ngurzâma, Republic Vêng, Aizâwl - A fate pahnih hriateng nân	Rs 30,000/-
20. Ngopa Vênglai Kohhran	Rs 7,000/-
21. Tanhril Bial Kohhran Hmeichhia	Rs 5,000/-
22. Pu Rosawmlana Vârtê, Leitân	Rs 1,000/-

II. THISEN PETE

1. KTP, ITI Bial	35 Units
2. KTP, Khatla 'S' Branch	33 Units
3. KTP, Khatla 'N' Branch	23 Units
4. KTP, Mssion Vêngthlang Branch	46 Units

III. GRACE HOME TÂN

1. Central Kohhran Hmeichhia, Synod Office	Rs 3,35,345/-
2. Rhino Youth Club, Aizâwl	Rs 2,000/-
3. Central KTP, Synod Office - Cook hlawh	Rs 45,000/-
4. Central Kohhran Hmeichhia, Synod Office mamawh chi hrang hrang	Damlote leh Rs. 12,000/-
5. Tanhril Bial Kohhran Hmeichhia	Rs 5,000/-
6. Marka Group, Shalom, Aizâwl	Hnim sâm fai hnattlâng

IV. THIL DANG PETE

1. Pi Rebecca Khiangte, Vênghlui	Hospital tân Alu bag khat
2. Pu M. Lalmanzuala, Chaltlâng H/S Vêng	Ward-a dah tûr lehkhabu 10 lai min pe
3. Chawnpui Bial Kohhran Hmeichhia	Nurses Hostel Furniture lei nân Rs 34,000/-
4. L.H Thanga Enterprise, Ramhlun 'N'	Intercom-a hman tûr Inverter leh Battrety
5. KTP Luangmual Bial	Chapel thutthleng 5 siamna tûr Rs 25,000/-
6. Mizoram Upa Pâwl, Dârlâwn Chhimvêng Unit	Hmunphiah
7. Pi Rothangpui, Sister, Thakthing Dâm vêng	Nursing School tân Rs 50,000/-
8. Pu C. Châmliana, Mission Vêngthlang	Swab Stick
9. Pi Lalmawii, Republic Vêng, Aizâwl	Swab Stick
10. Châmhari Kohhran Hmeichhia, Aizâwl	An Diamond Jubilee (12.1.1958- 12.1.2018) hriateng nân Vesicular (Vaccine vawv thathna) lei nân Rs 1,50,000/-
11. ENF, Synod Hospital Unit	Chapel thutthleng siamna tûr Rs 25,000/-
12. P.C Vânlalmuanpui, Keifâng	A tûl apianga hman tûr Rs 2,000/-
13. Lianchhûnga Khiangte, Châmhari, Aizâwl	Pi Rochhîngpui (L) tuamna puan 10 min pe.

V. PAWISA DAWN ZAWNG ZAWNG -

1) Rs 6,22,505/-
2) Rs 3,99,345/-
3) Rs 2,86,000/-
Total Rs 13,07,850/-

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Heng in thilpêk kan dawnte hian dam lo awm man harsate thlamuang takin a awmtîr a, Hospital mamawh tam tak min phuhrûksak bawh a ni.

Sd/-

(REV. R. RAMDINMAWIA)
Chaplain, Synod Hospital, Durtlâng.

RAM PUM HUAP TAWNGTÂI RUAL

Kum 2017 Synod Inkhâwmpuiin SEC bawh zui tûra a dah zingâ mi, ram pum huap tawng-tai rual hman dân tûr chu SEC thu angin OM-in hetiang hian a ruahman:

A hun	:	May 27, 2018 (Pathianni) zân inkhâwm
Chhiar tûr	:	1 Chro 29:11-13
Hla sak tûr	:	KHB No 586-na, 'Kan ram Krista kan pe'

Tawngtairual Thupui

I. MLA Election chungchâng

1. Inthlanna fel, thianghlim leh dik taka kalpui a nih theih nân.
2. Party tinin ram leh nam tâna hruiatu tha leh tling, ram hmangaihtu leh mi dik takte an candidate ngei theih nân.
3. Dik lo taka sum sem, vote lei leh hralh a awm loh nân.
4. Ram hruiatu atâna tha ber tûr theuh bial tinah kan thlan chhuah ngei theih nân.
5. Inthlanna fel leh thianghlim a awm theih nâna hma latu MPF General Headquarters, Constituency Forum leh Local Forum-a mawhphurtu zawng zawngte tân.

II. Zû leh ruihhlo chungchâng

1. Zû leh ruihhlo ti thintin thlarau chhanchhuahna changa an sim theih nân.
2. Zû leh ruihhlo zuar thintin Pathian duh loh zâwng, sual nasa tak a ni tih leh ram leh hnam pawisawina râphtlâk tak a ni tih hriaa an sim theih nân.
3. Zû leh ruihhlo ngâite enkawlina Home hrang hranga thawktu zawng zawngte tân.
4. Zû leh ruihhlo dova YMA hmalâkna a hlawhtlin zêl theih nân.
5. Kohhran duh loh kan rama zu zawrh a tâwp ngei theih nân.

HNA RUAK DIL THEIH

Mizoram Presbyterian Kohhran hnuaiyah Press Manager hna pakhat a ruak a, kum 18-35 inkâr, ni 17.5.2018-a kum 18 pumhlûm tawh, kum 35 la pumhlûm lo tân dîl theih a ni. Hna dîlna form hi Synod Office aţangin lâk chhuah theih a ni a, form-ah hian hriat tûr pawimawh tihlân a ni.

Thiamna : Graduate with Diploma in Printing Technology from any recognised University.

Hlawh : PB-3 Rs. 11000-27500+5600

Dil theih hun chhûng:

May 9, 2018 (Nilaini) thleng

Screening test/Exam:

May 11, 2018 (Zirtâwpni) 11:00 am

Interview:

May 17, 2018 (Ningani) 10:30 am.

Sd/- REV. LALRAMLIANA
PACHUAU
Secretary, Synod Service Board

**PRESBYTERIAN HMEICHHE
HOSTEL HRIATTÎRNA**

Pâwl 11 zir tûr, kum 2018-2019 session atâna Presbyterian Hmeichhe Hostel, Kulikâwna awm duh tân ni 15.5.2018 thleng dîl theih a ni a, dîlna form hi Synod Office-ah leh Warden, Presbyterian Hmeichhe Hostel, Kulikâwnah lâk theih a ni.

Interview hun tûr chu inhriattîr leh a ni ang.

Sd/- REV. PC PACHHUNGA
Executive Secretary
i/c Presbyterian Hmeichhe Hostel

**PAVALAI PÂWL FLAG & LOGO
DESIGN THEIH A NI**

Kohhran Palavai Pâwl Inkaihhruaina Dân in a phalsak angin, Pavalai Pâwl Flag tûr leh Logo tûr chu a duh leh tuimi apiang tân design theih a ni a. Mahni design chu a color leh a lem hrilhfiahna nê Revival Office-ah May, 2018 thla chhûngin thelulh theih a ni. Design thelulh zîngah duh ang hmuh anih loh chuan design thelulh sa aţanga kaihkawp pawhin Committee-in a duh angin a siam danglam thei ang. Lâwmmam siam a ni lo.

PCI, MIZORAM SYNOD SUM HMUH 2017-2018

Presbyterian Church of India, Mizoram Synod-in Tangka Kum 2017-2018 chhûnga sum a hmuh dân chipchiar hriat theih a lo ni leh ta. Finance Department lamin ngawrh takin an thawk a, hetiang hi a tlangpui khaihkawmna chu a ni:

A PUMPUA HMUH KHAIKHAWMNA

Budget Head	2017-2018 Budget	Hmuh zawng zawng	Budget khumna	Khumna percent
Pastoral	97,50,49,000	1,18,36,74,490	20,85,85,330	21.39
Mission	89,38,88,000	90,71,98,112	1,33,50,272	1.49
Total	1,86,89,37,000	2,09,08,72,602	22,19,35,602	11.87

NIKUM NENA KHAIKHINNA

Budget Head	Nikuma hmuh zat	Kumina hmuh zat	Nikum khumna	Khumna percent
Pastoral	1,02,00,02,902	1,18,36,34,330	16,36,31,428	16.04
Mission	80,11,77,360	90,72,38,272	10,60,60,912	13.24
Total	1,82,11,80,262	2,09,08,72,602	26,96,92,340	14.81

2017-2018 BUDGET HEAD HRANG HRANGA HMUHNA

Budget Head	2017-2018 Budget	Hmuh zawng zawng	Budget khumna /Phak lohna(-)	Hmuh zat %
1. PASTORAL				
1(1) Pathian ram				
(1) Pathian ram	78,00,00,000	92,41,09,860	14,41,09,860	118.48
(2) Buhfaitham	14,00,00,000	16,61,39,387	2,61,39,387	118.67
(3) Sakramen	65,00,000	72,45,688	7,45,688	111.47
(4) Sunday School	48,50,000	47,26,927	(-),1,23,073	97.46
(5) Inneihna	3,00,000	2,63,717	(-),36,283	87.91
Total	93,16,50,000	1,10,24,85,579	17,08,35,579	118.34
1(2) Designated				
(2) Designated	41,00,000	53,76,661	12,76,661	131.14
1(3) Hmuhna dang				
(3) Hmuhna dang	3,92,99,000	7,57,72,090	3,64,73,090	192.81
Pastoral Grand Total	97,50,49,000	1,18,36,34,330	20,85,85,330	121.39

Budget Head	2017-2018 Budget	Hmuh zawng zawng	Budget khumna /Phak lohna(-)	Hmuh zat %
2. MISSION				
2(1) Ramthar				
(1) Ramthar	56,00,00,000	58,20,01,467	2,20,01,467	103.93
(2) Thawktu chawmna	31,26,32,000	29,85,54,369	(-),1,40,77,631	95.50
Total	87,26,32,000	88,05,55,836	79,23,836	100.91
2(3) Hmuhna dang				
(3) Hmuhna dang	2,12,56,000	2,66,82,436	54,26,436	125.53
Mission Grand Total	89,38,88,000	90,72,38,272	1,33,50,272	101.49
Receipt Grand Total	1,86,89,37,000	2,09,08,72,602	22,19,35,602	111.87

**BUDGET HEAD HRANG HRANGA HMUHNA
NIKUM NENA KHAIKHINNA**

Budget Head	Nikuma hmuh zawng zawng	Kumina hmuh zawng zawng	Nikum khumna	Khumna percent
1. PASTORAL				
1(1) Pathian Ram				
(1) Pathian Ram	80,30,46,734	92,41,09,860	12,10,63,126	15.08
(2) Buhfaitham	16,06,20,987	16,61,39,387	55,18,400	3.44
(3) Sakramen	59,88,643	72,45,688	12,57,045	20.99
(4) Sunday School	41,37,902	47,26,927	5,89,025	14.23
(5) Inneihna	2,38,529	2,63,717	25,188	10.56
Total	97,40,32,795	1,10,24,85,579	12,84,52,784	13.19
1(2) Designated				
(2) Designated	32,08,245	53,76,661	21,68,416	67.59
1(3) Hmuhna dang				
(3) Hmuhna dang	4,27,61,862	7,57,72,090	3,30,10,228	77.20
Pastoral Total	1,02,00,02,902	1,18,36,34,330	16,36,31,428	16.04

Budget Head	Nikuma hmuh zawng zawng	Kumina hmuh zawng zawng	Nikum khumna	Khumna percent
2. MISSION				
2(1) Ramthar				
(1) Ramthar	50,79,42,654	58,20,01,467	7,40,58,813	14.58
(2) Thawktu chawmna	27,12,27,171	29,85,54,369	2,73,27,198	10.08
Total	77,91,69,825	88,05,55,836	10,13,86,011	13.01
2(2) Hmuhna dang				
(2) Hmuhna dang	2,20,07,535	2,66,82,436	46,74,901	21.24
Mission Total	80,11,77,360	90,72,38,272	10,60,60,912	13.24
Grand Total	1,82,11,80,262	2,09,08,72,602	26,96,92,340	14.81